

吳
興
詩
話

序

吾郡自沈隱侯以後風雅代不乏人每慨鄉賢著作日久無徵有志纂輯如樵李詩繫甬上耆舊詩金華詩錄之類采訪多年方知沈編修輪翁先生向有湖州詩摭一百八十卷喜而不寐甲寅歸里詢問原卷尙存不致如鄭氏湖錄徐氏湖佚殘缺不全但卷帙浩繁棗梨需費尙期同志諸公相助爲理至

國朝詩原選訖於康熙中八十年來詩家麻列擬應續應增悉仿竹垞翁因詩存人因人存詩之旨凡縉紳韋布名賢宦蹟閭秀方外已得二百家尙欲廣搜博采俾免挂漏按諸選本俱繫小傳詩話仿而行之先成十六

卷徵文考獻具有苦心庶幾前賢芳躅不致湮沒無傳
而一邦文獻藉以留貽或以補郡志舊聞之缺同年友
陳無軒廣文博學好古方輯全浙詩因與商推討論多
所訂正汪君靜圃見而忻賞慇懃付梓良友期許應志
勿諼嘉慶元年丙辰秋八月蕞塘戴璐書於京師槐市
斜街之石鼓齋

吳興詩話首

吳興叢書

太常寺少卿

臣

戴璐恭紀

御製題吳應枚仿王維江村雪意圖瑞霏作勢正漉漉
凍浦漁舟不可招曾識王家真面目試尋蹊徑未云遙
庚午奉

敕圖嵩山華蓋峯

御題七古俱見二集

御製泉宗廟集遠堂聯茗雪溪山吳苑畫瀟湘煙雨楚
天雲

御題王蒙畫有蒼弁清茗秀故如之句乾隆四十五年
聖駕南巡有和蘇軾道場山頂何山麓七古一首是以

癸丑春 璐 值班

召詢吳興山水甚詳并及松雪遺蹟此邦雖未

臨幸而山水清遠時繫

宸懷桑梓光榮所當敬誌

御題徐賁吳興清遠卷略仿王蒙荷葉皴村居雖密澹
爲神吳興清遠真清遠恐悞農桑弗事巡注南巡首重
民務而湖郡農桑之事尤殷是以每至杭後卽由嘉興
旋蹕歷來未嘗一至湖州也

天藻煌煌應垂志乘

康熙二十一年壬戌正月十四日昇平嘉宴聯句九卿
翰詹掌科掌道俱與吾湖三人靖共夙夜無怠荒

侍讀學士

嚴我侍讀學士梧桐生矣于高岡堯樽夜醉星低昂

善沈

雍正四年重陽聯句承平雅頌聲增眩大理寺少天香

碧落飄浮翼編修吳應綦南薰解阜聆鏗錚禮科給事中張鳴鈞重陽

節序開九閼御史錢兆沆

乾隆八年翰林院落成聯句崇牙樹羽虛越越右參議吳應枚

一獻百拜禮則詳編修張映斗聯吟更仿漢柏梁編修孫天

光下濟濡毫芒給事中鍾衡調和玉燭握珠簪庶吉士徐瑋

乾隆十一年瀛臺侍宴聯句游龍

御舸遠揚舳鴻臚寺卿吳應枚大官供具陳大烹編修嚴源燾蹕熊

胎豹胥猩猩編修張映斗傳箋絡繹翔雲征編修徐瑋道旁觀者

相誇矜

吏科掌印給事中鍾衡

乾隆七年庶子張鵬翀進春林淡靄圖

御筆賜和卽用其韻一時恭和之作鵬翀編爲金蓮榮
遇集湖州三人謹錄如右原任奉天府尹臣吳應枚林
外罪微靄四垂花含煙潤柳舒眉展開一幅畿南景正
是

深宮望雨時芹私直欲薦溪毛手捧圖呈

玉陛高天上恩濃春獨領不須同探苑西桃

御鑪香篆繞紅雲刻漏無多煥大文晝接移時賡唱備
金蓮不待燭花分

鳳藻褒題拜手承夔龍接武歷階升廿年冷署重回首

夢到條冰思不勝如聽簫韶奏九成六詩捧出荷殊榮
齋羅

賜物多珍重鳳味琅函几席清張華博物恣研求妙手
初成五鳳樓他日玉堂傳故事鄭虔三絕重螭頭編修
臣倪師孟瑞靄深沈細柳垂浮嵐暖翠列修眉侍臣緩
步趨青瑣恰是春光澹蕩時筆底煊爛五色毛仙才逸
品並稱高披圖贏得

君王喜無限春風被李桃

睿藻輝煌映綵雲非誇翰墨實崇文集賢賜句傳千古
較此

恩波遜幾分天孫霞綺筐筐承鴈鵠猶含墨數升自是

異才叨異數染毫裁錦力能勝鈞韶迭奏片時成靄靄
春林盡向榮禁籞近臣頰首望曲江隆遇冠西清時雨
時暘每敬求

紫宸宵旰望春樓憑君更寫耕桑幅無逸同陳

玉陛頭候補臬使臣戴永椿春入平林碧四垂遙山微

翠淡于眉晉唐詩字元人畫三絕從看萃一時十樣箋

陳穎禿毛速能工始見才高永年別有千秋鏡長映蓬

萊萬歲桃

賜硯有永年字銘

向日丹葵捧日雲更看綵筆動

天文金蓮不吐尋常燄除是髯蘇未許分文綺瑤函次
第承氣騰龍尾墨香升祇緣身戴

君恩重拜舞翻愁力不勝賡歌盛事畫難成爭羨詞臣

遇獨榮風味更煩君自寫玉堂人共玉壺清白傳篇章
海外求品題沈宋有高樓誰邀
聖主親酬和合讓南華出一頭

吳興詩話卷一

烏程戴璐服塘輯

順治丙戌會試烏程張雪封侍御

嘉

武康沈曙白庶常

兆行

成進士入翰林雪封巡按江西有寒松堂稿其送

弟詩云青楓白鷺依秋岸遠水孤帆入暮天施愚山

閩

章有同雪封集賈園詩論交歌寶劍拚醉解金魚沈詩

未見

丙戌鄉試烏程馮玉韡

美玉

領解丁亥成進士宰蒲縣

歸林下四十餘年僅傳宮詞一首云春色三分去

君恩何處留烏嘯皆是恨非獨落花愁

姚都諫

延啟

方伯

延著

俱以明末舉人丁亥會試中式

己丑進士都諫歷掌吏戶工三科志稱封章剴切皆關

政體施愚山

閨章

別敬輿都諫詩晨夕苦招尋相過意

不禁十年青瑣闥一片布衣心日月高天迴龍蛇大澤

深誰憐倦遊子多病欲抽簪都諫歸田後嘗至歸雲菴

有自書水竹居秋香徑二詩墨跡猶新稱七十老叟康

熙庚戌年也有還竹軒集秋蛩吟方伯有伴石居稿其

轉運嶺南時愚山送詩茗溪浮玉生清光姚家兄弟爭

翱翔後司臬江南以身活萬人其冤未白子

洎燾

丁未

釋褐上疏訟之方伯庭有木蘭一株花最繁盛日久漸

凋曾孫

世鉅

賦庭樹詩

己丑榜下卽授道員十四人吾湖則有海北李崧岩

題

嶺南陳陸又

贊

李出魏敏果

象樞

門近於敏果集中稱

其兼署學道因惡弁屬託不遂將加傾害義不可辱引刃而殞叔損齋刻其遺集序而傳之今人但知姚方伯之冤而未知李海北事故亟錄之

王漁洋分甘餘話余任禮曹時同官沈雲中

令式岳貞

以事閔于堂余吟詩解紛曰長鎗大劒日紛紛誰識毛錐亦策勳今日東陽逢瘦沈公然來撼岳家軍一笑而罷沈由己丑進士安肅知縣行取以禮部郎丙午主順天試德清人又載新城知縣陳瑞菴

凝

性仁厚杖人對

之泣有王生宅爲人奪訟之官不能決第好語曰詩云維鵲有巢維鳩居之王秀才獨不能爲鵲耶亦德清已

丑進士

顧比部

洙初

字鷗盟歸安己丑進士以郎中降稷山知

縣嚴少宗伯

我斯

送詩云仙郎畫省舊含香匹馬行看

下太行堯俗自然追上古漢廷久已重循良風清馴雉

眠桑徑晝永閒花落印牀前輩此邦多異績雙鳧又見

入明光

謂姚敬輿都
諫曾宰稷山

鍾太守

明進

字偉哉長興己丑進士由行人工部郎守

惠州值逆藩叛被執屢瀕于危著兩粵吟其城樓抗逆

詩云濺血自甘同太尉矢心豈得讓睢陽會賊平告歸

是科中十七人尙有尹平之

衡

宰樂平殉寇難陸繡公

彰守雷州沈蘊公

煒

吏部郎甲午主陝西試陳葆初

廷

樞刑部郎終蘇松道閔壽穀渠黃守雷州方于光爲明

大學士從哲孫守陳州附志以見得人之盛

唐聞思彥暉烏程乙未進士有福山寺詩云幽草埋花

徑孤雲護竹扉

許太守印渚延邵字仲將號逸林武康人戊戌進士由

龍泉令行取部郎歷泉州太守一官一集初任黔中時

當荒亂多愁苦之音其行役二首伺候上官形容盡致

徐宗伯倬送守泉州詩衣冠自古晉安州此去檐帷稱

壯遊寶蓋插天疑蜃結虹橋偃水共潮浮官閒恰喜魚

龍夜夢近頻回蘋蓼洲茉莉簪頭杯在手新來太守果

風流

許給諫

瑋

字存巖德清己亥進士庶常改禮科給事中

彭羨門

孫適

哀詩給事恭靖

孚遠

孫淵源寫家學夙悟

有神契十行目俱落探理見四本讀書窮八索傲性謝
交遊孤蹤恥依託朝鳳慘不鳴童烏杳難作

國朝鼎甲始於順治辛丑吳長庚

光

以第三人及第旋

以編修使安南卻獻金持國體風節凜然有使交集漁
洋選十二首於感舊集中嚴宗伯先有送使安南歌又
輓詩庚子同長庚計偕館厯亭元旦主人夢兩蛇升天
鱗甲宛然一蛇中天而墜子兩人皆己巳年生辛丑長
庚先及第今果先沒詩云那堪追往事妖夢已前形

巖石樵

允肇

字修人歸安戊戌中式辛丑進士卒壽光

爲前官連累歸有石樵詩稿龔芝麓宗伯序余少受業
吳興嚴琢如夫子與長君三求從弟修人同學修人古
文詞力追秦漢詩歌從容駢麗大雅元音庶幾不墜王
暉今世說修人七歲受經十歲能文十一遊庠十五六
百家諸子淹貫略盡二十三舉孝廉二十四成進士旣
生華胄又早得名好學不倦著述益工孫介夫稱修人
其淡如菊其溫如玉其靜如止水其虛懷如谷徐宗伯
傳送別詩歸田久袖栽花手獻賦曾分承露盤 漁洋
感舊集祇選菰城懷古一絕按集中歌行如木蘭廟范
公祠七律懷古諸將上擬杜陵香奩希風溫李爲梅村
祭酒所賞可錄儘多漁洋豈未見全集歟且此絕集並

無之更不可解

朱穎濱

射斗

烏程辛丑進士中書戊午主試江西石樵

贈詩憶昔釋褐初追陪共晨夕新詩刻燭成觴詠任所
適一別十餘年相逢話疇昔聞君主文柄一望煙水碧
讀君西遊詩解我中腸癖外轉瓜州同知徐宗伯戲贈
云江上孤城似夜郎錢刀牢握轉蜣螂可憐一勺中冷
水不與家園客對嘗後官思州知府

韓蘧廬

純玉

爲狀元求仲

敬

少子以名諸生避跡棲賢

山選明詩兼竹垞錄其詩於明詩綜歸愚別裁列於國

初康熙中葉尙存徐宗伯查他山

慎行

有鳳晨堂讌集

詩李秋錦

良年

集有韓子蘧寄示近刻答詩隔樹查查

鵲喚眠哦來詩老削青傳家仍吏部文章裔手續冬郎
甲子編美不入宮寒翠袖聲將放鄭得朱絃衡門他日
尋茗雪興盡青山也繫船時爲康熙癸酉蘧廬年將八
十巍然如魯靈光云子四並有詩名

董徵君

漢策

字帷儒號芝筠尙書

份

元孫博聞宏覽范

忠貞撫浙時特薦以科道用旋被臺參放歸忠貞殉耿
逆難浙人懷德祠建孤山芝筠往謁詩云淚灑西臺夢
欲迷怒濤風急拍長隄天涯渺渺無知己埋劍金庭伴
鶴棲握機密啟意躊躇篋有陰符返五湖卻悔囊錐猶
未試女牆望見夜嘯烏歸里後有湖濱巨寇窺伺南潯
白當道擒治之境賴以安諸子俱負詩名今科第蟬聯

皆其後裔

章萊山

金牧

字雲季能文未第僅以戊子拔貢宰柏鄉

徐宗伯未遇時久客柏署詩見集中嚴石樵往遊有和
秋日入聞詩嚴宗伯亦贈詩云鄙南城外麥初岐爲政
風流繫所思花落印牀閒放鶴日斜官閣盡題詩滹沱
雙鯉冰開後恒嶽千山雪霽時聞道屏風書姓氏徵車
早晚問瘡痍是時恩拔貢廷試後俱授州縣姚爾真延
儒宰南漳慎昌時似仞刺羅定俱殉寇難尙有丙戌歲
貢徐尙介宰靈山丁亥歲貢車君乘宰武宣皆殉難附
志之

陳玉仍

元登

德清乙未拔貢學行載省志有深柳堂詩

徐宗伯贈詩云小閣烏皮几清秋白氎巾病因閒自減
道以靜能真閉戶調狂象傳經看石麟鹿門原有約吾
愛姓龐人其高致可想

武康韋六象

人鳳

與徐宗伯友善贈答頗多洪昉思

昇

亦贈詩云昭代徧徵辟如何留逸才草堂臥雲處遠在
東山隈林月前後入溪花冬夏開始知有真隱不望鶴
書來王晦今世說六象神朗貌癯布衣不肉食長夜擁
絮被危坐讀書至旦高簡淡泊彷彿如枯巖禪客與人
言肺腑盡傾不事表暴塵俗人望之頽然自遠與兄劒
威人龍並能文章尙氣節劒威卽宗伯業師六象康熙
甲寅歲貢

董西園

說

字若雨名著復社詩選明詩綜僅二首其豐

草菴詩如雁字落葉諸詠麗句清詞不拾牙慧絕無蔬

筍氣忽爲僧自號南潛戒子樵牧耒耨以韋布終身鉏

玉樵

秀

觚賸若雨華閎懿孫才情恬曠淑配稱閨閣之

賢佳兒獲芝蘭之秀一旦獨皈淨域自號月涵每一出

遊則有書五十擔隨之雖僻谷之深洪濤之險不暫離

也徐昭法

枋

避地山中與月涵書翰往還并贈詩云茗

書多隱淪沈冥老湖浦一鳴契真如法音震天鼓

武康潘澹若

汝奇

丙戌拔貢率樂會以詩懷徐宗伯有

從來卿相定聰明之句宗伯和云羨君早仕暢平生五

嶺天邊叱馭行載石歸來無長物栽花到處見多情牀

頭舊笏沾山翠樹下雙柑候鳥聲何日雞豚聯近局斜
川去後問淵明

胡東樵渭以德清增監館益都馮文毅第徐健菴司寇

聘修一統志著禹貢錐指

聖祖南巡賜耆年篤學扁尙書會恩受業門下學行載

一統志查他山慎行祝八千詩吳羌山色鬱然青中有

元家野史亭人指所居爲福地天留此老應文星河汾

業盛傳三世夾漈功高在一經千尺喬松多美蔭重看

蘭玉繞階庭尙書北面舊稱師碩果西吳更有誰著作

久歸三館貯才名曾荷九重知煙波放艇懷清雪風雨

連牀說莫釐見說精神猶健在杖朝不異杖鄉時徐畫

堂用錫

祝詩南極分芒雪水明伊誰稽古比恩榮原將

宗法留安定未覺傳經老伏生白屋埽除垂聖藻絳帷
指授富公卿來年周甲千秋節看促蒲輪備五更時康
熙壬辰年乙未先生孫

彥穎

入翰林

彥昇彥輔

登庚戌

己未進士

遺老閔雪蓑

聲

字毅夫名入復社著泌菴小言無衣吟

爲莊氏史案下獄日以賦詩自娛釋回八十餘乃卒于

夢潮乙卯舉人乞黃梨洲志墓

吳漢槎

兆騫

秋笳集有贈錢虞仲方叔丹季詩其與顧

梁汾書稱茗中三錢才筆特妙大者有山陽之痛小者
復爲濮陽之匿贈虞仲云君家閨閣傍前溪公子風流

白袷衣銀燭夜屏羸女鳳瓊鉤秋帳汝南雞傾城名士
俱年少侍女新聲采菱調倚色偏令紅袖憐按歌不惜
青衣誚三錢爲明文選郎士完孫父驕侈忤直指致入
私史案子皆遠徙尙陽堡後人遇赦歸思溪尙有園林
之勝

吳興詩話卷二

烏程戴璐菴塘輯

康熙甲辰嚴存菴少宗伯我斯以辛丑中式舉人

廷對第一自傳臚以至釋褐俱以詩紀見尺五堂集公

祖覺明末宰巢殉難乾隆戊戌

賜諡烈愍封公有穀孝行重一鄉築嗜退菴潘稼堂未

汪蛟門懋麟俱有詩陳澤州廷敬詩云不識江南路菰

城何處邊數椽方丈室萬里五湖天茗雪雙鳴槳煙波

一畫船富春山好在高並客星懸

康熙辛亥初設日講官以嚴我斯蔡啟傳孫在豐充補

見吏科錄書

宗伯贈蔡崑陽及第歌知順治甲午熊鍾陵

伯龍

主浙

試史大成嚴蔡吳

光

俱同榜湖州自萬厯庚戌韓敬狀

元至是恰六十年榜眼孫屺瞻又同府也

宗伯假歸徐健菴司寇

乾學

贈詩云家住菰城擬乞身

慰留

詔下自天申久知彩筆干霄漢共慶巖廊得鳳麟中禁
黃麻承密敕尙方珍藥捧溫綸玉堂仍領承華署舊是
傳臚第一人胡司寇詩云溪堂原近白蘋灘魏闕難辭
本分官歸院只看蓮作炬還山虛擬籜爲冠分來湛露
調珍膳賜得仙霞當玉餐矯首窪尊亭下路平生清節
勵河干高江村

士奇

詩云九重視聽徹垂旒

詔可陳情得暫休孝子星霜悲帖妃清時雨露及松楸
都門祖帳攀疏轍鄉曲衣冠望李舟余愧蠶封猶未卜
中車何日問西疇承明橐筆歲云徂目斷汀鴻與渚蘆
對客偶談天姥夢輸君先泛峴山湖鵝行共羨脂車發
漁父猶歎機棹呼總爲

殊恩終欲報秋來不是愛蓴鱸

徐宗伯祝詩水晶樓閣近蓬萊座挹南山獻壽杯六客
風流同洛下百年禮樂在容臺墅因謝傅棋聲好社爲
陶公酒禁開席上雲璈休別奏遊仙詩句自親裁李秋
錦良年寄詩人說嚴夫子詩如沈隱侯篋中三殿草門
外一溪流忽抱遺書歎新添聖室愁峴山青咫尺欲趁

采茶舟

吳陳炎

曠園雜志宗伯夢至一山見座師房師同年俱僧服訝之諸公曰寧忘卻此地耶因問何山僧曰嵩山忽悟屣鞋於階視猶未燥遂寤不數日口偈曰誤落人間七十年今朝重返舊林泉嵩山道侶來相訪笑指黃花白鶴前遂卒公文未刻近於日下舊聞考見有阜成門大街宏慈廣濟寺旃檀佛記奉

敕書碑

臧侍御

眉錫

字介子號喟亭長興人丁未進士由魯山

知縣任中書改御史毛西河湖舫陪臧內史飲次采萼和內史韻云君方返承明西掖當朝參豈可蕩兩槩流

連向空潭蕝蕝未下鼓本性我所諳王漁洋題濟陰玩
月圖詩三五南華月登臨迴散愁懷人漆園吏把酒庾
公樓水與湖陂接光連玉露秋吳興未歸客應憶白蘋
洲胡司寇送假歸詩罨畫溪頭紫翠重到門仍識舊山
客一甌顧渚秋茶白百甕烏程臘酒濃豸繡暫教違柏
府鳳毛新已試花封巖廊風采方延伫雲壑寧留大隱
蹤吳天章雯題看梅卷幾向靈巖夢折枝半塘風雪往
來時江南親到都門過慚負先生卷上詩

蔡宮贊

啟傳

字石公號崑陽德清侍郎奕琛子少見侍

郎官京兆時送劉文烈

理順

狀元歸第心豔之順治甲

午舉人五上公車康熙己酉訪山陽令同年邵士□不

見批刺云查明回報上京中庚戌狀元寄邵詩云殘年
風雪上長安舉世誰憐范叔寒寄語山陽賢令尹查明
須向榜頭看王子主順天試升贊善假歸卒年六十五
門人徐倬作傳韓莢墓志云先生既不出藥鑪茶竈圖
書自娛閒葺園亭疊石蒔花習靜於中無求於人有存
園草燕遊草今僅存清溪八景詩徐司寇澹園集載康
熙九年十二月十九日

上召對宏德殿奏事畢命各賦詩是日鼎甲三人卽直
南書房又同主順天試詩云同時名姓徹楓宸羨爾螭
頭作近臣蓋先充講官云王橫雲鴻緒過蔡座主齋詩
夫子聲名大龍頭德望尊天人董相業治亂賈生言客

去長懸榻朝回但掩門無心戀朱紱幽思滿山村

漁洋池北偶談德清蔡翁築室落成夢人授以盤貯四
紅箋各大書一一字後孫奕琛爲刑部侍郎南渡官一
品曾孫啟傳庚戌狀元啟賢子升元壬戌狀元兩元皆
生此宅升元從弟彬辛酉解元方悟四一字之兆見只
編德清老人蔡四以服鹿角膠壽百八歲豈卽其人歟
孫少司空 在豐字杞瞻世居歸安菱湖庚戌榜眼歷官
翰林院掌院學士工部侍郎乙丑主會試治下河補內
閣學士有尊道堂集徐宗伯序寄傲園倡和詩今存司
空詩鈔

康熙十二年充講官拜紫貂白金文綺之

賜十八年扈從

南苑園內有麋鈇走

上以御用弓矢授在豐射得麋遂

賜之謂大臣曰孫在豐文武材也及試武進士

命復射連中

上大悅語侍衛曰是固曩日射麋者也後嘗扈

駕南巡至蘇州

上傳諭云湖州去此不遠可往省親瀕行復

諭汝來不必至江寧第於淮揚詣行在其金陵名勝有
應留名處汝係從官必爲爾題名也徐宗伯送詩詞臣
新從屬車回

天子新宣定省來衣帶尙沾河嶽氣粉榆爭看棟樑材
起居堂上東封頌拜獻階前長壽杯自歎周南留滯久
祇將盛事託蘭臺魏敝果象樞送詩暑到延和講未闌
如何輕去校書官豈分章句移花影自識星辰入夜寒
倚闕青天雲五色買舟赤石水三灘百年黃髮高堂健
肯向秋風理釣竿高江村送詩曾奉鈔書候北扉孫陽
晨夕每相依一鞭絲裊春煙細雙管風生午漏微垂釣
賞花

恩禮重枕流漱石世情稀畫堂不學蒙山舞檢點巾箱
有賜衣

徐憐園同蔡石公壬子京闈憶岷瞻詩沙街騎馬整珠

鞭騎省風流並少年又送歸省詩可當小傳

池北偶談初設講官於禁中始則熊賜履繼則孫在豐

司空治下河孔東塘

尙任

同行得古銅尺朱竹垞查他

山慎行

贈詩喬石林

萊

贈序篇長不錄孫松坪

致彌

送

詩頻年宵盱眙江淮水土司空往汝諧河復早傳歌是

鵠渠成應免竈生蛙由來心事傳飢溺此去民依仗決

排聞道臨軒南顧切禹圭計日錫堯階十五年來謁後

塵阮家偏念道南貧金門挾策憐漫刺錦席飛觥醉飲

醇自笑飄零名字改

原名梅

難忘吐握性情真明年擬

撰河清頌肯借吹噓徹紫宸又送顧小謝入幕五言知

治河一役七邑民命攸賴簡任重臣舉朝賦詩贈行不

知何以忌者沮議公亦議降喬石林亦以此案謫官詳
見本集

陳

尙古

簪雲樓雜說在豐十六遊庠冠軍適雄雞生卵

家人疑不祥以雞作供而投卵於河嬖聞之惜曰此佳
兆也姪他日必作狀元雞宜畜之奈何並卵而棄之耶
庚戌果及第

賜葬陽山陳文簡

元龍

以乙丑門生作執紼詩吾師重

望壓朝班豈意騎箕杳莫攀十載訐謨襄至治兩年胼
胝軫民艱官清去位無遺橐典備褒忠有

賜山幾度西州空灑淚酬恩何日報雙環胡司寇追感
詩司空舊德重方州獻納能紓宵旰憂憶昔班行隨驥

尾一時風采照螭頭乘箕尙覺寒芒耿宿草空餘老淚

流今日雄才推玉季懸知寶鼎待函牛

時見令弟在中

德清徐少宗伯

倬

字方虎號蘋村少受業倪文正

元璐

劉忠介

宗周

之門歲貢入都壬子癸丑聯捷入翰林升

司業侍讀癸酉主順天試得姜宸英顧圖河查慎行劉

巖諸名士罷歸

南巡召試進全唐詩錄給禮部侍郎銜

賜黃髮受祉扁年九十子元正歸養

賜壽祺雅正扁有修吉堂集序稱詩如彈丸脫手一洗

郊寒島瘦之習聞蛩見月諸作魄力直追盛唐宗伯客

遊有汗漫集家居有蘋蓼閒集在京有甲乙支鈔野航

集歸田有鼓缶集黃髮集八十五後有毫餘殘瀋初以
老諸生晚達列翰林享大年封一品五世清華一門鼎
盛吾湖三百年來幾無其匹

魏敏果送假歸詩江東人物望崔嵬領袖文壇屬異才

八代衰庸千載振九州風氣兩人開

謂韓元少

侍臣蓮炬雍

雍出倦客仙槎款款回計到家園秋正好菊花籬外讀
書臺陳澤州答詩公望公才在廟廊琅函典領水雲鄉
西湖風月東華路回首登臨憶侍郎

王橫雲有徐方虎招同胡孟綸諸公集祖氏園亭詩曾
隨勝侶到雲莊綠柳參天夾道長春雨藥欄三徑闊秋
風魚蘊五湖涼絳紗暇日依仙侶紅豆新詞滿帝鄉誰

說笙歌帷幔隔謝公棋墅一徜徉

唐東江

孫華

酬徐侍郎詩東南山水推吳興重巒迴復

湖光澄先生崛起持文柄下視沈約羞徐陵令子鑾坡
幸接武班劉家學還相仍禁近回翔負公望歸院常撤
金蓮燈公年八十正强健煙霞鶴骨猶峻嶒查他山肄
業時上詩數仞宮牆入望新鼓鐘相應在成均癸酉出
公門下同歸里宗伯和詩有罷官滋味沙糖好下第情
懷刀劒傷之句他山呈詩自編永叔歸田集誰上何蕃
伏闕書泛舟碧浪湖詩蒲柳城南水一方三年重此泊
吳航閒陪白社青山客愛入銀鷗雪鷺鄉帳下諸生看
漸老甕頭吏部醉能狂

謂談未菴

烏巾美酒東風泛并作澄

湖匹練光壬午謁詩開徧梅花薄雪餘春來重擬昇藍
輿十年風月情難盡百里溪山畫不如慧業種將成佛
後精神強似挂冠初一莊荒後無他宅天護先生萬卷
書辛卯祝九十長律有古殿靈光尊海內歲星朗曜在
江東龍門傳業張丞相淇澳詩篇衛武公黃髮高堂老
宗伯黑頭子舍大司空皆壓倒元白之句惟宗伯足以
當之

沈學士

上壩

字宗子號維菴竹墩憲副子來孫癸丑入

翰林年已五十丁巳江南江西湖廣三省主考升侍讀
學士同朱竹垞潘稼堂被劾歸嚴石樵送典試詩君起
金閨彥館閣推巨手大邦秉衡鑒起衰辟榛莠此行入

承明高名重山斗一堂三學士濟濟名家後豈惟應休
徵經術真不負

余師秦西巖先生曾祖來劬先生之後丁巳出公門下

有和白溝河題壁詩夫子聲華榮紫閣吾儕卑伏羨青
錢今見原倡茅茨下榻誰供帳麤糲留賓橫索錢末句
慚予昔日皇華使則是假滿北還所作而非典試時也
馮大令遵祖字孝行號青士美玉弟癸丑進士中書改
平陸知縣有環山閣詩朱竹垞贈詩著書獨有五亭好
作吏無如三晉閒

楊大令

鼎

字莘野德清人順治戊子舉人六十成癸丑

進士七十選平越知縣徐宗伯題六十自壽詩後云渭

濱事業子固早二十年得之送謁選詩青袍墨綬苑少年略染鬢鬢鬚鬚美人言好景收桑榆吾欲升華若太始甲戌題自壽詩素書一卷足平生何必三山十二城白髮青衫街市裏無人不道是淵明則年已八十矣

胡大司寇

會恩

德清給事中麒生子字孟綸號南荅王

子拔貢人都有攜將下若一尊酒來看長安二月花之句乙卯丙辰聯捷榜眼授編修丁巳主順天試由侍講改鴻臚少卿仍直南書房晉刑部尙書有清芬堂稿祭告中州懷古詩太昊陵云五德肇開羣帝首一爻迥出六經前商高宗陵云曾聞恭默思殷道尙挾聲靈控楚疆光武陵云讖成白水飛龍日業定昆陽走象年任鴻

臚時有句云淮堧旅食妻孥隔遼海王程歲月遷自注
時引見奉天府丞蓋是時京堂不由開列隨留南書房
未任

王漁洋居易錄康熙三十年辛未十一月京堂多缺以
翰詹改補侍講胡會恩補鴻臚寺少卿旋陞大理寺少
卿三十七年陞內閣學士次年陞兵部右侍郎丙子從
征沙漠

韓文懿葵同飲芍藥花下詩夔龍久許帶煙霞疑到壺

中別有家偶爾賓朋修禊事自然邱壑膽瓶花燈前豔
色迷千頃架上清香入五車手勢令行煩折取飛觴促
節正平搗徐宗伯和韻七古對門才子年方健一字真

歷三萬籤昌黎兀冪杜律細不肯落夾到蘇髯庚午入
都承南茗未菴出郭相勞口占賀監清狂未乞身柴車
再入六街塵迎來玉勒青絲鞵慚愧粉榆兩故人沈綸
翁樹本用昌黎衡嶽韻呈詩文章當代司馬公百家騰
躍歸寰中下筆深奇躡韓柳著書奧衍攀向雄

沈宮贊

三曾

字允斌號懷庭子來曾孫康熙壬子出田

山蘊門下作四六詩序丙辰二甲第二弟

涵

二甲第三

同入翰林在孫少司空席上同賦海燕雙棲玳瑁梁詩
志稱恭謹恬退不妄交人工應制詩文假歸在籍食俸
有十梅書屋集

嚴宗伯送歸省詩東陽門第羨清芬二陸才華迴不羣

藜閣一燈中夜共錦帆千里暫時分思親剩有蓬池鱸
憶弟回看闕下雲此去鄉關莫留滯未央前席正殷勤
徐宗伯寄允斌同年兼寄度汪中允虞士庶常詩機雲
名重東西廡更有樓中風月耽並折桂枝誰第一分行
珠樹卻成三黑頭冠履紆青瑣絳帳生徒捧玉函綺席
既成朝闕去斑駁兄弟共驂驪

吳尺鳧

焯

飲賜書堂詩儲端東國承新詔公子西園驛

上才時在揚州校定全唐詩錄

沈閣學

涵

字度汪號心齋晚號彖餘由編修晉少詹

南巡賜華省二字視學福建過仙霞嶺誓於神曰如徇
一私不能歸度此關以實學課士閩人肖像以祀晉內

閣學士癸巳典會試稱得人著賜硯齋詩存門人孫文
定嘉淦稱其高華典則自合前人矩矱集有題十同年

圖詩圖爲明閔莊懿圭會天順甲申十同年圖藏閔齋

孫惇大家公詩未書卷內集有驢車詩註爲杜紫綸中

書詔創製足補日下舊聞

湯西厓右曾贈詩座中強半多吳語江左由來重沈詩

又題蓮塘小影詩先生水石興猶偏荷葉荷花淨可憐

但得環城三十里不須更問雪溪田鮑西岡鈔輓詩言

行名臣錄文章太史家厯官居禁近何地築樓臺

壬申余應童子試寧化雷翠庭師按臨昌言於眾曰余

家世寒微康熙初年力不能博一衿自閣學來閩清正

身言言二
自矢祖父方有入庠者宜閩人肖像以祀然猶不免密
雲城工之罰故當時學使任滿有密雲城下永定河邊
之語以謝絕故人者

費太史

之達

字九鴻號楓山康熙壬子解元丙辰入翰

林改令未補林下三十餘年自題客座云香山娛老惟
開社彭澤辭官亦種田以子金吾贈巡撫

徐華隱

嘉炎

過沈封翁秉虔

鉞

兼懷賢兄子駿詩舊記

烏程酒曾瞻大父行壘簾誇奪席俊及喜盈堂蔚起雛
鸞羽栖遲老驢驢秋花方翠飾別恨亦蒼黃秉虔乃樂
存侍御之父

康熙己未鴻博之選吾湖只舉夏宛來

駟

旋以蜚語未

試偕趙黃門吉士赴交城任著交山平寇本末採鐵鑄
劒佩之有青鋒三尺腰閒雪斑管千枝夢裏花之句著
爛溪集淪落以終沈閣學贈詩一笑功名看塞馬忘機
心事羨沙鷗

汪比部

以澄

字志遠號朗思自休寧遷湖王子出沈文

恪

荃姚給諫祖頊

之門由中書歷刑部郎中甲子幸魯

進詩載入盛典歸田後行善於鄉詳載郡志文恪序制
藝稿目爲眞儒元孫尙仁重梓行世

沈閣學於康熙辛未閏端午

御試西暖閣紫禁朱櫻出上闌詩

上閱至末句云結根幸荷滋培久長抱丹心對紫薇

上嘉歎久之曰沈涵故自不凡

閣學晚年家居於屋旁闢小園號東圃與宗族爲文酒
之會柯南咳煜自嘉善來與宴賦詩云小亭怡受圍棋
局曲徑多隨種藥欄叢桂偶從前歲得高梧不礙隔牆
看閣學賞其精確卽席和之

吳興詩話卷二

吳興詩話卷三

烏程戴璐臙塘輯

談吏部九乾字震方號未菴德清人康熙丙辰進士沙
河知縣行取禮部主事癸酉主雲南試晉吏部郎中從
噶爾丹軍效力著從軍草歸有淮浦詩南遊草

聖祖南巡 賜書終南陰嶺秀詩一幅

胡司寇送歸詩丁年射策曾聯轡午夜敲詩數翦燈徐
宗伯和見懷詩文章驅賈董詩體繼陰何青鏤題紅袖
烏絲側素冠又謝餽烏鬚藥詩妙藥封題百感生欲教
鵲浴變烏黥拔心草已經霜萎半死桐難向日榮對鏡
祇愁衣失素逢人還恐面先頰休將混沌蛾眉畫留得

天真此數莖又和云君是紅蓮綠水生無情煙墨不爲

黥螢燈熠燿傳車肩羽扇風流接顧榮

君房師爲車綵萬育顧祖榮

筆疑沾螺黛潤朝衣定染口脂頰祇今高唱頻來往應

扣洪鐘愧寸莖又題三泉書屋詩高士廬旁吏部塵華

燈錯落映修椽此閒祇許談風月隔舍何妨中聖賢珠

履踏門蓮幕客菱歌高唱鄂君船蓬鬆雪鬢憐衰老容

我頻來抱甕眠吳船合歡詞云漢殿仙郎才調誇九微

燈影侍承華偷桃三度欺青鳥又竊吳宮第一花新添

繡被鄂君船花燭晶熒不夜天盡說皋橋同洛浦明璫

翠羽遇神仙百花洲內卸明璫羅帶先霑雞舌香鳳脰

燈前微瞥見談郎可改是檀郎查他山吳船花燭詞灑

墨含毫色色工玉臺倡和有人同風流白石真堪笑但
解吹簫伴小紅曾趨粉署殿東廂雞舌猶餘舊賜香好
唱新翻新樂府賀新涼是賀新郎又戊子舟中大雪留
別詩

鮑西岡

鈐

亞谷叢書云未菴與蔡宗伯沈宮贊讌集有

吳妓已行追回入席宗伯語皆權要妓茫然不知未菴
卽席口占云八里昇山一棹開千呼萬喚始回來狀元
終日無他語只道江村線撫臺江村謂高士奇線撫名
一信八里店昇山東門外地名鮑又懷人詩山公會啟
事晚作竹林賢散髮吳羌麓垂竿餘不船詩源出黃葉
舉吳孟書法演香泉陳子六客堂中過鬚眉訝列仙按先

生於康熙壬寅方卒徐恕齋以升輓詩耆舊風流從閩

寂海山遊草劇崢嶸注閩遊草甫刻成今詢諸令元孫

農部祖綬集無一存余家猶藏從軍草一卷吏部弟九

敘字功唯號是山由廩生歷任兵部郎中歸德知府有

是山詩草睢陽詩集俱未之見余丁亥遊睢府署遠風

堂題額猶存

翁孝廉懋宇蒼牙號西帆歸安壬子舉人有見山樓集

吳蘭次太守綺序稱有經世之才而未竟其用集中多

同遊太白亭詩其弔凌忠清溫寶忠作悲壯可誦寶忠

戊戌忠節賜

明給事中沈應旦康熙初尙存子永裕字仲舒丙辰成

進士歸省徐宗伯送詩故里風流一老存相逢令子問
寒暄稔知漉酒巾猶溼且喜看花眼未昏東觀人還紅
藥署南陔天與白蘋村溪山留待余歸早共掬清泉弄
月痕仲舒後宰碭山有惠政

茅太史

薦馨

字楚畹長興籍宣城人授經吳蘭次郡齋

施愚山贈詩高齋松雪開書帙美酒烏程倒玉壺康熙
己未探花出沈宮贊門未散館卒易簣前數日夢之天
上觀競渡俄歸見車騎迎至東岳廟吏白設此以待云
驚寤語其子賦絕句云年年消渴望蓬萊夢裏君王賜
藥來隱隱龍舟聞競渡香風天上五更迴五日而逝杜
宋兩相國經紀其喪而歸沈閣學輓詩苦吟纔一第薄

宣未三年愚山亦有輓詩

蔡大宗伯

升元

字徵元號方麓宮贊姪壬戌狀元歷官

禮部尙書乙未總裁會試志稱入直館閣矢音六義言
暢意美卓絕一時有紀恩集其傳臚詩云入對彤廷策
萬言句臚高唱

帝臨軒

君恩獨被臣家渥十二年閒兩狀元一時傳誦徐宗伯
題榮歸圖詩金字頭銜爪裏銀韋平世掌絲綸算來
十二年閒事再見龍頭第一人彩服趨庭畫錦遊粉榆
驚動萬人眸休誇馬上仙郎少翁媪堂前尙黑頭朱竹
垞題云記聽句臚已十年詞頭草罷擘宮箋不知才子

循陔後鎖院何人下水船又早朝圖陳澤州詩青練被
暖火紅綃正是熏衣事早朝幾日金燈歸院晚天香須
整侍臣貂王漁洋詩沈香火暖護香篝走馬蘭臺露未
收曉日花閒鈴索動內人催喚撰詞頭徐宗伯詩翠鬟
金雀未成妝底事春星待漏忙玉殿歸來齊問訊口脂
可似御鑪香胡司寇詩簪筆風流早擅場千秋韻事屬
中郎西清縱是神仙侶誰似春衣五夜香朱竹垞詩遮
莫蓼蓼畫鼓頻披帷風定燭如銀繡墩只許狸奴臥辛
苦妝臺擁髻人高江村詩早識芙蓉鏡下人朝朝聽漏
卻芳裯屏山不羨雙鵲宿手作羹湯共苦辛檢點熏衣
直近班鳴雞喔喔不曾閒藜燈還在屏風曲十樣名箋

付翠鬟查他山詩水精簾捲月如鉤侍史妝成盡下樓
比似早朝還較早不教君起看梳頭花冠催曉漏聲微
樺燭光中翠袖圍未拂鑪煙香已透玉纖親捧上朝衣
池北偶談升元生時父夢金甲神持紅箋大書其廳事
云第一甲第一名蔡升元遂以名之而字曰徵元壬戌
又夢如前其時父年才四十六

宗伯甲午生
年二十九

陳文簡愛日堂集康熙辛丑元旦朝罷進內獻壽大學
士華亭王公年八十以下十三人皆七十左右最少則
蔡宗伯張司寇

廷樞

皆六十九歲一時稱盛宗伯七十

假歸文簡賦詩送之

沈侍御

愷曾

字虞士號樂存涵從弟壬戌庶常改御史

常與同年史夔王紳劉國黻王九齡張廷樞阮爾詢宴

集有來雨吟稿巡鹽兩廣時韓文懿葵送詩云西清才

子坐南牀攬轡登車道路光賸有篋中文學論不營劒

外大夫裝帶圍應爲憂民減尊酒寧嫌按部妨最是艱

難理鹽筴憑將圖繪入奚囊王薛澱九齡寄詩萬乘昔

臨邊千軍騁玉鞭抗章親伏地叩馬欲迴天再任兩廣

巡鹽姪樹本送詩絳騶出入豈辭勞歸院焚香卸錦袍

大被宵聯鈴閣靜綵衣春宴戟門高素馨繞榻吟懷健

白啖堆盤飲興豪聞道一時珠履集湘簾微動沸笙璫

華貴殆不減歐公贈李鄆州詩

沈大令爾燦字冀昭號鳳于烏程大學士淮元孫壬戌

進士公安知縣工詞入瑤華集選陳迦陵

維崧

贈詞三

首成容若

德

有送歸吳興詩成名方得意幾日問歸舟

獨有離居者蕭然感素秋一筇黃葉寺孤棹白蘋洲無

限江湖興因君寄虎頭

謂顧梁汾

王漁洋被園偕隱詩沈侯

東陽秀門有朱丹轂入洛揖公卿磊落千萬軸倦遊歸

去來長謠返林屋名園臨窈窕衰徑臨濠濮晨夕道場

山煙鬟送新沐君才似秦嘉閨中有徐淑閒吟贈婦篇

或歌夜來曲又送歸詩昔別驚三歲重來售一經歸人

指黃浦山色繞烏亭誰讀郊居賦家餘太祝廳被園偕

隱地羨煞白蘋汀

徐大司空

元正

字子貞號靜園倬子康熙乙丑翰林歷

官左都御史工部尙書志稱操行端潔見重于時有清
嘯樓集沈歸愚評云清新綿渺和易冲融廣陵懷古云
東閣詩成何水部揚州夢覺杜樊川有郎錢十子風規
韓文懿葵有送子貞學士扈蹕歸省詩本作行祕書屬
車當第七不待插雞翹而先鼓蘭楫冬緣愛日溫雪添
錦衣色身是舊儒臣海內文章伯兩世美絲綸講筵互
瀑直春坊宮體詩珊瑚疊架筆何當八十春游子忽擁
膝南咳此孰樂笙詩應補入

王漁洋寄方虎侍讀兼子貞學士詩掉頭昔厭承明廬
送老吳興水竹居餘不溪光何激灩吳羌山色正蕭疏
織簾舊識先生里載筆新成太史書南路風流人共羨

趨庭學士紫金魚古詩南路徐

康熙乙未丙申間胡蔡徐三尚書同時俱未入相徐恕齋臬使詠碧落侍郎云閨寂聲華感故岑豈徒南省斷槐音一行白鳳朝天去碧落沈沈不可尋近閱萬壽盛典胡任刑部尚書年六十五歲以上徐以工部尚書致仕來京年七十外蔡尚宮內閣學士胡即於癸巳去位蔡甲午方晉大宗伯則非同時尚書其時沈閣學涵戚麟祥沈樹本許鎮俱翰林談九敘兵部主事姚德堅工部主事京官雖只八人特有九列三人耳又鴻臚少卿沈一揆奉天籍亦湖人也丙辰翰林

漁洋集送陳興公還武水詩清絕若南路歸帆望已遐

寒林孟郊井古屋沈戎家天目羣峯台前溪一水斜煙霞成獨往不羨曲江花陳名之羣戊午舉人時壬戌下第歸徐宗伯有慰旅病和韻詩

胡司寇子

開京

字遵王號洛思廕授肅州僉事有天山

坐鎮圖查他山題云披圖舊識西陲遠入畫今看使節閒雪點旌旗秋出塞風傳鼓角夜臨關地連張掖敦煌界人在輕裘緩帶閒一片孤城歸坐鎮不須三箭定天

山

毛西河有送姚聚中還湖州詩楊柳河邊送客還十年詞賦滿江關高門自啟菰城曲佳句猶留松石閒下若人逢花婀娜前溪風定鳥縣蠻上林春色年年好不用

端居賦采蘭沈樂存送詩云風流藉藉漢相如遊倦歸
來賦子虛寄語桃花西塞曲春流切莫斷雙魚聚中名
俟考

德清月泉吟社徐宗伯各贈以詩朱聞斯云秦川公子
絳紗帷半日談經半日詩景在當前方點筆情非有爲
不關思飲醇顧曲周公瑾病榻茶煙杜牧之豈獨論文
心欲折清談處處解人頤沈爲昭云二沈詩源共隱侯
詩壇偏是北城優珠林玉海藏君腹嵐影溪光聚筆頭
善自學飛新翡翠穩於行步舊騅駟河干草閣軒窗好
來往人呼八詠樓沈天襄云唱酬三世墨猶香最喜清
聲小鳳皇對客鬚眉詩裏見出人意氣句中藏倚柸自

詫心兵健逃酒還誇搦陣強曾有黃門親指授應且秉從孫
衡竟是古東陽蔡凭甫云似爾纔無一點塵心輸白也
是清新語含吐納言情好想入虛空繪景真大雅未亡
五字句國風以後九歌人流傳嗤點都休問詩外論詩
更有神蔡藜輝云水閣三間地半弓吟箋酒盞幾曾空
眼前雲鳥皆佳句檻外漁樵有古風韋柳門庭能力學
齊梁聲病弗求工鯉趨曾見承庭訓篋內遺篇哭乃翁
宗伯序吳南村詩鏤華存實得力在柴桑浣花之閒序
吳渭綸朝爽堂詩鹿門輞川閒應置一座諸子名俱俟
考

胡侍御

允幹

字殿升歸安甲子舉人由文昌知縣行取

工部改御史戴侍御芝字侶琪休寧人籍歸安乙丑拔貢由河西知縣行取工部改御史掌京畿道侃直有聲詩未之見

陳瞻雲

尙古

丁卯舉人著簪雲樓集自序載葵窗檢書

小記其雜說采入說鈴同科副榜沈

敏達

祖公治前丁

卯舉人尙存徐宗伯贈詩云簾經先世織研付後人耕行卷題丁卯賢孫繼鹿鳴孝廉船不繫處士宿逾明敏達後官戶部主事

戴太守

振河

字衣聞號開亭德清人與休寧異望戊辰

進士初宰江西永寧與趙蒙泉

俞

同年豪飲徵歌蒙泉

戲贈詩今夕但爲文字飲何妨座上有紅裙當筵狂客

眞唐突乞得君家一紫雲
豔冶須教金屋貯輕盈
要覓雀屏圍他時可用官錢買
先賭宣城太守歸後行取禮
部官邵武太守辛未翰林
絳字繡臣號道園則祖籍休
寧起自寒生館選後二十年升侍講視學直隸未見所
著

蔡翰臣

蘭

辛未進士宰河西時徐宗伯送詩驪駒何處

去萬里碧雞遐別酒傾無算
王程限有涯玉從燕地購
月向洞庭賒計爾升堂日紅棉正放花

武康高侍御

怡

字仲友號鶴洲甲戌進士由長洲知縣

行取御史康熙六十一年與陶彝等十一人發往軍臺
金義植贈詩身訝新環甲冠爲舊觸邪一官陳白簡萬

里度黃沙食祿應持論投荒肯顧家從戎堪報國垂老
莫長嗟雍正四年宵歸

安溪李文貞公

光地

費副將詩序君少習文改武戊辰

余讀君卷字策俱佳擬以第一人進呈因弓馬平□收
第八君向與蔡方麓同學幾掇文武大魁亦佳話也又
工詩贈余有昔聞李供奉曾薦郭汾陽之句副將名俊
字慧先號鶴峯厯福寧總兵有玉樹堂草甌魯詩存

費中丞

金吾

字不夜號曉亭之達子癸酉舉人初任同

知有牧牛圖徐宗伯題并懷楓山云一樹垂楊一笛風
相思何限夕陽中爲看黃犢依年少轉念青牛憶阿翁
竹垞他山皆有題句以才幹厯山東布政晉撫湖北未

任而卒

吳太常

隆元

字炳儀號易齋光從孫甲戌庶常改知縣

朱高安薦授部曹改侍讀學士連主鄉試升僉都改太常寺少卿著易宮

吳兢齋

大煒

字青然太常從姪丙子舉人宰西華激浦

改東陽教諭二十餘年乾隆癸酉乞休先君接任時年八十二朱顏鶴髮出示留別詩有形似維摩常示疾禿同毛穎不中書之句入十四吟云鄧禹封侯歲余方賦鹿鳴卑棲非巧宦投老遂歸耕渭南八十四策蹇尙翩翮山水詩情壯松喬壽骨堅蓋自況也丙子重赴鹿鳴葉方伯夫人贈詩卻因尊榮秋歸日重數槐花夏課年

沈太史

榮仁

撰記孫宮允

人龍

作跋里黨榮之

臧大令

根泰

字東岩眉錫于己卯舉人江寧知縣自號

江山主人先祖往遊酬唱甚密辛丑重訪詩五年不踏
長千里劇憶江山舊主人畫閣香鑪添窈窕白鬚紅帶
更精神

韓希一

獻

純玉子丙子副榜徐宗伯序楚遊詩嚴石樵

贈詩西上揚舲入楚天荊州才望更翩翩行歌郢雪卑
今調欲采江蘿弔古賢瑟裏朱絃湘女降舟中繡被鄂
君眠長沙幾度論兵地極目荒城廢壘前鄭黛參世元
過訪德未暮齋詩喬木先人澤芳蘭王者花拂衣懷謝
傅永日愛陶家手種三槐樹風清兩部蛙萍蓬吾有感

遺宅蔓青瓜書芸抽鄴架苔翠上匡牀風起雲衣碎荷
翻雨慢香神駒須伯樂雛鳳見冬郎弟映碧能文人地俱清
絕歸心竟永忘又登子遠先生兼山閣有懷示令子希
一映碧詩振衣登傑閣懷古在茲州不見先生柳空遺
處士裘湖山惟一氣身世迴千憂騎馬來何暮衣冠望
欲愁又酬韓映碧招飲詩五十韻想見一時文酒賓朋
之盛映碧名雫丙戌歲貢

吳興詩話卷三